

SCRIPT OF MORNING GOJRI NEWS BULLETIN 5AUG 1015 HRS

مارننگ گو جری نیوز بلیٹن مورخہ 5 اگست 2025

یوہ آکا شوانی جموں ہے عبیدلرحمان تیں خبر سُنو۔

LG STUDENTS

لیفٹیننٹ گورنر منوج سنہا نے کہیو ہے کہ ماری نوجوان نسل غو عزم تے قوم غی تعمیر و ترقی وستے اُن غو جزبو انسانیت تے قوم غا بہتر تے روشن مستقبل نانہ یقینی بناوے ایل جی موصوف طالب علمان غی حوصلہ افزائی خاطر جموں مانہ منعقد ایک تقریب غے دوران بول رہیا تھا موصوف نے سائنسی تعلیم غے نال نال روایتی اقدار نانہ قائم رکھن ور وی تبادلہ خیال کیو تاکہ نوجوانان نانہ مستقبل وستے تیار کیو جاسکے تعلیم غے اندر تبدیلی غی صلاحیت غ و ذکر کرتا مانہ ایل جی موصوف نے نوجوانان نانہ کہیو کہ وے اپنا آپ نانہ بہتر بنان غی ہر ممکن کوشش کریں تے مستقبل مانہ ملک گا اُس سفر غی نمائندگی کریں جہیز و ترقی تے خود مختاری غوضامن ہے۔

CM TAWI FRONT

وزیر اعلیٰ عمر عبداللہ نے توی دریا و ر چل رہیا ترقیاتی پروجیکٹ غو تفصیلی جائیزو لیو جموں سمارٹ سٹی پروجیکٹ غا ایک اہم قدم غے طور توی پروجیکٹ نانہ ترقی دتی جارہی ہے وزیر اعلیٰ عمر عبداللہ نے کئی اعلیٰ افسران غے ہمراہ پہلا مرحلہ مانہ بھگوتی نگر تیں وکرم چوک تک چل رہیا ترقیاتی کام کاج غو جائیزو لیو جت پارٹ اے غے تحت 97 فی صد کم مکمل کرلیو گیو ہے اس پروجیکٹ مانہ دریا غا 2 واں کنڈاں ور مضبوط ڈنگا دتا گیا ہیں تانجے دریا مانہ اُن آلی باڑ نال ہون آلا نقصان تیں بچاؤ ہو سکے اس تیں علاوہ اس پروجیکٹ مانہ کاروباری جگہ تے سرسبز میدان وی تیار کیا گیا ہیں ستمبر 2025 توڑی اس پروجیکٹ نانہ مکملکی وجانو ہے تے اس ضمن مانہ وزیر اعلیٰ نے مزکورہ پروجیکٹ غی معاشی تے سیاحتی صلاحیت ورتبادلہ خیال کیو تے خوشی غو اظہار کرتا واں مستقبل غا لائحہ عمل غو ذکر کیو تے متعلقہ افراد نانہ پائیدار ترقی نانہ یقینی بنان تے کام غا معیار نانہ مدنظر رکھتا واں پروجیکٹ نانہ ویلے سرے مکمل کرن غی ہدایت جاری کی۔

LG CM GMC VISIT

لیفٹیننٹ گورنر منوج سنہا نے گورنمنٹ میڈیکل کالج جموں گو دورو لاغے سابقہ ایس ڈی ایم رام نگر مرحوم راجندر سنگھ غا زیر علاج گنہ غا افراد نال ملاقات کی تے اُن غی صحت بارے پوچھیو پالیو ایس ڈی ایم رام نگر مرہول راجندر سنگھ 1 اگست نانہ ریاسی مانہ پسی آجان غی وجہ نال ہوا سڑک حادثہ مانہ فوت ہو گیا تھا تے اُن گو جواں ال بچو وی اس حادثہ مانہ ہلاک ہو گیو تھو زخمی افراد جی ایم سی جموں مانہ زیر علاج ہیں جت ایل جی موصوف نانہ ڈاکٹران نے اُن غی موجودہ طبی حالت بارے دسیو ایل جی موصوف نے زخمی افراد وستے ہر ممکن علاج غی ہدایت کی اس موقعہ ور ایل جی موصوف نے تعزیت پیش کی تے متاثرہ گنہ نانہ ہر ممکن مدد دین غی یقین دہانی کرائی ہے۔ وزیر اعلیٰ عمر عبداللہ نے وی جی ایم سی جموں غو دورو لایو تے متاثرہ گنہ غا زخمی

افراد نال ملاقات کی موصوف نے اسپتال انتظامیہ نانہ ہدایت کی کہ وے متاثرہ گنہ گار زخمی افراد گا بہترین علاج نانہ یقینی بناویں۔

KUPWARA HIDEOUT

ضلع کپواڑہ گا کالاروس علاقہ مانہہ سرحدی حفاظتی دستاں فوج تے جموں کشمیر پولیس گا جواناں غی طرفوں چلایا گیا 3 روزہ تلاشی آپریشن مانہہ دہشت گرداں گا ایک خفیہ ٹھکانہ غو پتو لایو حفاظتی دستاں نے پتھراں غے اندر بنی اس کلاں تیں 12 چینی گرینیڈ ایک چینی پستول ت دیگر اصلہ تیں علاوہ کٹوڈ غو ریڈیو سیٹ اردو آئی ای ڈی مینول تے ماچس غی تیلی برآمد کی ہیں وقت رہیں حفاظتی دستاں غی طرفوں چلائی گئی اس تلاشی کارروائی نال علاقہ غے اندر دہشت گرداں گا ناپاک منصوبہ نانہہ ناکام بنایو گیو ہے بی ایس ایف کشمیر نے ایک سماجی میڈیا پوسٹ مانہہ اس گل غی وضاحت کی ہے متعلقہ اتھارٹی غی طرفوں دسیو گیو ہے کہ سانجہ طور اس طرز غی تلاشی کارروائی آن آلا خطراں نال نبرن مانہہ اہم کردار ادا کریں تے عوام گا تحفظ نانہہ وی یقینی بناویں۔

ARTICLE 370 ANN

غی منسوخی نانہہ اج 6 سال مکمل ہو گیا ہیں جموں کشمیر A جموں کشمیر مانہہ دفعہ 370,35 غی اس خصوصی شناخت غی منسوخی تیں بعد علاقہ غے اندر کئی بڑی تبدیلی رونما ہوئی جموں کشمیر گا تعمیراتی ڈھانچہ تیں علاوہ سیاحت تعلیم تے طبعی سہولیات مانہہ وی بہترین ترقی دیکھی گئی اس تیں علاوہ حفاظتی انتظامات غی بہتری نال کئی ترقیاتی کام کاج ت سرمایہ کاری گا موقعہ میسر آیا سرکار جموں کشمیر غے اندر امن تے مجموعی ترقی تیں علاوہ اپنا تمام شہریاں وستے مستقبل مانہہ اُمید تے ترقی گا تمام وعداں ور پابند رہی ہے۔

ANNOUNCEMENT

علاقائی خبراں آلو شعوبو آکاشوانی جموں ایک خاص پروگرام پیش کر رہیو ہے جس غو غا منسوخی تیں بعد یوہ A عنوان ہے جموں کشمیر مانہہ تبدیلی گا 6 سال دفعہ 370,35 اگست 2025 نانہہ تہاڑی گا 12:30 منٹ ور نشر کیو جے گو۔ اس خصوصی a پروگرام پلکیں 5 نشریات مانہہ معروف سماجی کارکن تے سابق بیوروکریٹ کے بی جنڈیال تے اعلیٰ صحافی پریس کلب جموں گا صدر اشونی کمار بطور مہمان شامل ویں گا تے اس اہم موضوع ور اپنی رائے تے تجربات سانجہ کریں گا پروگرام غی میزبانی کریں گا مارا انکر وجے بجاج تے کونال شریوٹس سامعین اس پروگرام نانہہ میڈیم ویو 303 میٹر یعنی 990 کلو ہٹز تے ایف ایم 100.3 میگا ہٹز تے ایف ایم 104.5 میگا ہٹز ور سُن سکیں گا۔

AMNESTY SCHEME

جموں کشمیر سرکار نے ایمنسٹی اسکیم کی توسیع کرتا مانہہ بجلی گا 6 لکھ بقیہ بل ادا کیا ہیں اس اسکیم غے تحت بجلی استعمال کرنا لا صارفین نانہہ صرف بنیادی رقم ہی بجلی گا کرائیہ گا طور ور جمع کرانی ہے تے 31 مارچ 2025 توڑی بجلی گا بلاں ور لگیا تمام سود نانہہ ختم کی وگیو ہے صارفین نانہہ 31 مارچ 2026 توڑی اس اسکیم گو فائدو چاتاں مانہہ برابر قسطن مانہہ رقم جمع کرانی وے غی تے موجودہ بجلی گا بل نال نال ادا کرنا ویں گا عمل در آمد نہ کرن غی صورت مانہہ گجھ جرمانو وی ہے سکے لہزا بجلی گا

صارفین نانہہ کہہو گیو ہے کہ وے مقامی بجلی آفیسر نال رابطو کرغے یاہ سرکاری ویب سائٹ تیں مزید جانکاری حاصل کریں سرکار غ ویوہ قدم بجلی محکمہ غی آمدنی بدھان تے عوام غی وی امداد گو ایک اہم قدم ہے۔
